

gáhkkorčoru studeantta mánáidgárdi



GÁHKKORČORU MÁNÁIDGÁRDDI JAHKEPLÁNA 2023



SSO

Sisdoallu

Dieđut SSO ja Gáhkkorčoru mánáidgárddi birra	3
Doaibmačilgehus:	4
Oahpásnuvvanáigi:	4
Biebmu.....	4
Biktasat	4
Mánná buohcci.....	4
Mánáid buktin ja viežžan	4
Tuvrrat	5
Ávžžuhusat ja geatnegasvuodát;	5
Mánáidgárdde divvagat ja dieđut.....	6
Permišuvnnat:	6
FÁDDÁPLÁNA 2023	7
Dálvi (ođđajagimánnu ja guovvamánnu).....	7
Gidđadálvi (njukčamánnu ja cuoŋománnu)	7
Gidđa (miessemánnu)	8
Gidásgeassi (geassemánnu)	8
Geassi (suoidnemánnu) Mánáidgárddis lea luopmu.	8
Čakčageassi (borgemánnu).....	9
Čakča (čakčamánnu ja golggotmánnu).....	9
Čakčadálvi/ skábma (skábmamánnu, juovlamánnu).....	10
Jahkeplána 2023 čilgehus	11

Dieđut SSO ja Gáhkkorčoru mánáidgárddi birra

Sis-Finnmárkku studeantaovttastusa (SSO) váldodoaibma lea fállat Sámi allaskuvlla studeanttaide buriid fálaaldagaid, omd Gáhkkorčoru studeanta mánáidgárddi.

SSO jodihuvvo studeanttaid čálgonjuolggadusaid (ovttastus lága) vuodul. Lea vuodđudus (stiftelse) ja iešeaiggát, gos stivra lea bajimus oaivámuš. SSO lea vuodđuduvvon 30.08.1995.

Mánáidgárddi lea 3 ossodat mánáidgárddi. Váldogiella lea sámeigiella.



Doaibmačilgehus:

Mánáidgárddi barggut leat vuoduštuvvon Mánáidgárdelágas ja mánáidgárddi rámmaaplánas.

“Mánáidgárddit galget addit mánáide geat eai leat skuvlaagis, buori ovdánahttin- ja doaibmavejolašvuodaid lagas ovttasbargguin mánáid ruovttuin.

Mánáidgárdeláhka §1 Ulbmil

Oahpásnuvvanáigi:

Váhnen dahje eará gean mánná dovdá bures, ferte mánáin leat mánáidgárddis álgobeivviid vai mánná oahpásnuvvá ja šaddá oadjebas mánáidgárdái. Vuosttaš mánáidgardebeaivvit eai berre leat nu guhkit. Lea dehálaš ráhkkanahhtit máná ovdagihtii.

Leage positiivvalaš mánáidgárdái.

Biebmu

Mánát váldet mielde borramuša guovtti borramii. Disdagaid lea mánáidgárddis lieggabiebmu. Mánát ožžot juhkamusa ja šattuid juohke beaivvi.

Mis lea sohkarkeahtes mánáidgárdi, mii ii mearkkaš ahte mii eat bora sohkkara mánáidgárddis, muhto ahte mii ávžžuhat váhnemiid árvoštallat maid bidjet bajožin ja mielde mánáid niestái.

Biktasat

Mánás galget leat molssa/liigebiktasat ja lea maid dehálaš ahte biktasat heivejit guđege jahkodahkii. Biktasat galget merkejuvvot máná namain vai eai seahkán. Liigebivttasseahkas eai galgga leat báttit maidda mánát sáhttet darvánit/buvvánit jus leat gorkņodeamen bivttaslanjas.

Mánná buohcci

Go mánná lea buohcci, de ii galgga boahhtit mánáidgárdái. Dieđit jus mánná ii boađe mánáidgárdái, sáhtát juogo ringestit dahje čállit SMS:a ossodahkii ovdal diibmu 09.00.

Muittuhat maid ahte jus lea mánná lea buohcan de ii galggaše mánáidgárdái boahhtit ovdal go leat gollan 48-diimmu maņņel go njoammudávddas lea dearvvašmuvvan (48-timersregel). Dáinna lágiin hehttet njoammudeami.

Jeara mánáidgárddis gihppaga, jus it leat jo ožžon dan: [Goas galgá máná doallat ruovttus-rávvagat dearvvašvuodadivššáris](#)

Mánáid buktin ja viežžan

Mánáidgárdi rahpasa dii. 07.45.

Mánáidgárdi gidde 16.00 ja dassázii galgá mánná vižžon.

Jus viežžá máná maņņit de šaddá máksit divvaga 250 ruvno. Diva lassána 250 ruvnnuin juohke 15.minuvttas

Dieđit mánáidgárdái ovdal 09.00 jus mánná ii boađe mánáidgárdái, dahje jus maņņona. Dát lea dehálaš vuoi mii sáhttit plánet mánáidgardebeaivvi; doaimmaid ja bargiidlogu ossodagain.

Ringes, dahje muiital iđđes go buvttát(*eat dohkket SMS:a bokte dieđu*), jus oktage eará bohtá viežžat máná. Go boadát viežžat; ale váldde máná mielde nu ahte bargit eai dieđe dan.

Tuvrrat

Mii mannat tuvrrain. Go guhkit tuvrraide vuolgat de addit dieđu. Áigodat ja dálki lea dávjá mielde mearrideamen goas tuvrrat šaddet, mii mearkaša ahte áiggis áigái bohtet manjit dieđut tuvrraid birra, dahje rievdadusat plánejuvvon tuvrrain.

Mánáid vuollel 3 jagi eat váldde busse/biila tuvrraide.

Ávžžuhusat ja geatnegasvuodát;

Jus lea mii nu mainna it leat duđavaš beaivválaš mánáidgárdedilis, de ávžžuhat váldit oktavuoda.

Muittuhat ahte mánáid gulu eat huma áššiid birra maid sii eai dárbbas gullat. Váruhit gorutgiela ja jietnageavaheami- alla jienain sáhtát baldit mánáid. Mannet latnjii gos eai leat mánat ságastallat diekkár áššiid.

Jus mánas rievdá bearašdilli dahje jus gevvat eará dáhpáhusat mat sáhttet čuohcat ja rievdadit máná láhttema ja eallindili(oanehis- dahje guhkitáigái) de diehtu dan birra livččii nannen min vejolašvuodaid heivehit doaimmaid su/sin ektui.

Mánáidgárddi rámmaplána

*lea oassin
mánáidgárdelágas
mii geatnegahtta
sisdoalu heivehit
mánáidgárdái.*

Mánáidgárddi jahkeplána

*lea sámi
jahkodagaid
mielde, doppe
čužžot doaimmat
ja dieđut olles
jahkái.*



Mánáidgárdde divvagat ja dieđut

Makkar máksámuš	Studeanttaide:	Earáide:
Váhnenmáksu	3050,-	3050,-
Váhnenmáksu, nubbi máná	1525,-	1525,-
Biebmomáksu	180,-	230,-

Pr.01.01.2023

Fuomáš: Vejolaš oažžut vuoliduvvot mánáidgárdedivvaga:

Loga eambo dan birra: [Vuoliduvvon mánáidgárdemáksu](#)

<https://www.udir.no/regelverk-og-tilsyn/barnehage/foreldrebetaling/moderasjonsordninger-foreldrebetaling/>

Oasseáiggestudeanttat sáhttet ohcat oanehisáigge saji mánáidgárddis go leat omd. deaivvadeamit. Dát ferte šiehtaduvvot mánáidgárdiin dahje ohccojuvvot unnimusat 2 vahkku ovdal.

Hattit leat ná:

Studeanttaide : Mánáide vuollel 3 jagi 300 ru. + 15 ru. biebm
Mánáide badjel 3 jagi 250 ru. + 15 ru. biebm

Earáide: Mánáide vuollel 3 jagi 350 ru.+15 ru. biebm
Mánáide badjel 3 jagi 300 ru.+ 15 ru.biebm

Váldde oktavuoda ossodagain dahje mánáidgárdejođiheddjiin:

Roy Arild Rasmussen

Tlf. +47 95282389

E-mail :roy.rasmussen@ssosamas.no

Go mánáidgárdi lea gitta árgabeivviid, de gesso dat eret rehkegis.

Beivvi ovdal bassebeivvi (gaskavahkku ovdal skilleduorastaga, hellodat-, juovla- ja ođđabeairuohta) gesso beallebeivvi ovddas.

Bassebeivvit eai gesso mánáidgárderehkegis. Plánenbeivvit leat oassin mánáidgárdefálaldagas, dat eai gesso rehkegis.

Jus studeanttat joavkkus ohcet liigerahpánáiggiid omd. eksámeniid ovddabealde, de sáhtta mánáidgárdi árvvoštallat ohcamiid. Ohcama sáddet mánáidgárdde jođiheaddjái unnimusat guokte vahkku ovdal.

Mánáidgárdi lea gitta suoidnemánu, ja vuosttaš vahkku borgemánu, dalle lea bargiin luopmu ja ráhkkaneamit ođđa mánáidgárdejahká. Juovllaid ja ođđabeivveruohta gaska ja beassášvahku lea maid mánáidgárdi gitta.

Permišuvnnat:

Gáhkkorčoru mánáidgárdi njuolggadusat, čuokkis 7:

Ohcama vuodul sáhttit addit mánáidgárdesajis permišuvnna. Permišuvdna ferte bistit unnimusat guhtta mánu, dahje mánáidgárde jagi lohppii. Permišuvdnaohcan ferte leat boahtán mánáidgárdái manjemusat ovttá mánu ovdal go permišuvdna doaibmagoahtá

FÁDDÁPLÁNA 2023

Dálvi (odđajagimánnu ja guovvamánnu)

<i>FÁDDÁ</i>	<i>ULBMIL</i>
Ođđa jahki	Fuomášuhttit ahte dál lea ođđa jahki ja ođđa kaleandar.
Movt luondu rievdá: čuvvgodišgoahtá, beaivváš ihttá,	Fuomášuhttit mánáid jahkeáigodaga erenoamášvuoda ja bargguid
Rievssatgárdun/ Rievssat	Oahpásnuvvat árbevirolaš bivdovuohkái – mii gárdut ja dasto fas oahppat daid.
Niesteboazu Giđaniesti. Čolliid ráđjan ja márfun.	Oahpásnuvvat sámi árbevirolaš bargguide dan bokte ahte mii oastit niestebohcco maid mii njuovvat dás mánáidgárddis. Das mánát ohppet earret eará dan ahte mo goikebiergu šaddá.
Guovvamánu 6.beaivvi, sámeálbmotbeaivi.	Fuomášuhttit mánáid ahte sámiin lea iežaset beaivi. Sámi máŋggabealatvuoda birra čilget.

Giđđadálvi (njukčamánnu ja cuoŋománnu)

<i>FÁDDÁ</i>	<i>ULBMIL</i>
Movt luondu rievdá: idjabuollašat, beaivvádat, beaivet bivval, guhka čuovgat, Muohta álgá suddat, soavli, cuoŋu,	Fuomášuhttit mánáid jahkeáigodaga erenoamášvuoda ja bargguid
Heargevuodjin/ Heargi	Oahpásnuvvat herggiide ja árbevirolaš heargevuodjimii. Mii vuodjit herggiiguin.
Riikaviidosáš Mánáidgárdebeaivi 14.03.23	Mánáidgárddis doaimmat mat leat čatnon riikaviidosáš mánáidgárdebeaivvi fáddái..
Beassážat	Čalmmustahttit mánáide mat beassážat leat ja movt sámi beassážat leat.
Giđasdálvedoaimmat Čuoigan, mátkkoštallan, guollebivdu, olgun gáfestallat.	Leat ollu olgun, doaimmaid bokte hásttuhit mánáid diehtoáŋgirvuoda, oahppama ja lihcadeami.

Gidđa (miessemánnu)

<i>FÁDDÁ</i>	<i>ULBMIL</i>
Movt luondu rievdá gidđat	Fuomášuhttit mánáide jahkeáigodaga erenoamášvuoda ja bargguid. Oaidnit earret eará šlahti, arvvi, go muohta suddá, urbi luotkana.
Miessemánu 17.beaivi, Norgga našunála beaivi	Fuomášuhttit mánáide ahte Norggas lea iežas našunálabeaivi ja maiddái ahte sii oahpásnuvvet ja vásihit demokrátalaš servodaga
Luonddugáhtten	Oahpahit mánáide mii lea luonddugáhtten ja ahte manne dat lea dehálaš. Dalle bargat maid gidđabargguid.
Gidđabarggut Ávnnasteapmi, murren, fierbmun, osten.	Oahpahit mánáide árbevirolaš gidđabargguid, ja mo dat barggut bohtet ávkin skábman/dálvái.

Gidđasgeassi (geassemánnu)

<i>FÁDDÁ</i>	<i>ULBMIL</i>
Movt luondu rievdá	Fuomášuhttit mánáide jahkeáigodaga erenoamášvuoda ja bargguid. Oaidnit omd. go runoda, čuike, dulvi, báhka
Miessemearkun/ Miessi	Oahpásnuvvat sámi árbevirolaš boazodollui. Vásihit miessemearkuma dan bokte ahte fitnat gárdde luhtte ja beassat oasálastit miessemearkumis.
Dállodoallu/ Šibihat	Oahpásnuvvat árbevirolaš šibit- ja návtedollui. Oaidnit mo šibihat ellet, gos mii oažžut omd. mielkki ja eará biepmuid.
Duodji	Oahpásnuvvat árbevirolaš duodjái, ávnnasteami ja vásáhusaid bokte. Dipmá- ja garra duodji, dáidda jna. Ávnnasteapmi joatká, viddagiid, osttuid, geđggiid, besiid, ovssiid.
Gilišillju	Oahpásnuvvat lagasbirrasii ja historjái.

Geassi (suoidnemánnu) Mánáidgárddis lea luopmu.

Čakčageassi (borgemánnu)

<i>FÁDDÁ</i>	<i>ULBMIL</i>
Oahpásnuvvan	Oahpásnuvvat mánáidgárdái, bargiide, eará mánáide ja olgošilljui
Movt luondu rievdá: ruški, muorjjit láddet, áibmu šaddá galbmasit	Fuomášuhttit mánáide jahkeáigodaga erenoamášvuoda ja bargguid
Mearragáddi	Vásihit ja oahppat mearragátti birra. Fitnat mearragáttis gos besset čoaggit skálžžuid geđggiid jna.
Čakčageasi barggut Nuohttun, suidnen, murjen, ávnnasteapmi	Mánát galget beassat bargguid bokte oaidnit bohtosiid, áiccuid bokte vásihit ja ovdánit. Dihtomielaččat oahpahit mánáide sániid mat leat gullevačča doaimmaide
Luonddubálggis	Oahpásnuvvat lagasbirrasii ja lundui.

Čakča (čakčamánnu ja golggotmánnu)

<i>FÁDDÁ</i>	<i>ULBMIL</i>
Movt luondu rievdá čakčat.. Lastaramađat, rašes jieŋat, gálljin, sevnjnoda, galmmaš,	Fuomášuhttit mánáide jahkeáigodaga erenoamášvuoda ja bargguid
Gárddástallan	Oahpásnuvvat sámi árbevirolaš bargguide. Mánát besset oaidnit mo lea boazodoalus bargat, besset searvat bargguide. Fitnat gárde luhte mánáiguin.
Johtolat sihkkarvuolta	Oahppat mo galgá doaibmat johtolagas – johtolatnjuolggadusat.
Ealgabivdu	Oahpásnuvvat ealgabivdui, dasa gulli doahpágiidda jnv.
Duodji	Oahpásnuhttit ja searvat aktiivvalaččat sámi árbevirolaš ja báikkálaš duddjomiidda, ávdnasiidda ja tehnikkii.
Solidaritehtas bargu	Oahpahit máná veahkehit olbmuid geain ii leat nu buorre dilli. Nanusmahttit sosiálagelbbolašvuoda.
Mu gorut- mu rájit	Oahpat gorotnamahusaid. Oahpat intimitehtarájiid.. Fáttá oktavuodas maid oahpat man láhkai láhttet nuppi

	vuostá; ruovttus, mánáidgárddis ja muđui.
--	---

Čakčadálvi/ skábma (skábmamánnu, juovlamánnu)

<i>FÁDDÁ</i>	<i>ULBMIL</i>
Mot luondu rievdá: Skábma, buolaš, muohta, seavdnjat, gomuvuohta	Fuomášuhttit mánáide jahkeáigodaga erenoamášvuoda ja bargguid
Juoŋasteapmi	Oahpásnuvvat árbevirolaš bivdovuohkái. Mánát besset oahppat ja vásihit iešguđetlágan guollebivdo vugiid. Mii fitnat juoŋasteame.
Nástealbmi	Oahpásnuvvat nástealbmái ja gomuvuhtii.
Duodji ja eará barggut	Duddjot ja hábmet buktagiid ávdnasiiguin maid gidđat leat viežžan
Juovlaráhkaneapmi	Oahpásnuhttit mánáid servodaga vuođđudeaddji norpmaide ja árvvuide
Adveantaáigi/ Juovllat	Fuomášuhttit mánáide mii adveantta ja juovllat leat. Fitnat girkus.



Jahkeplána 2023 čilgehus

Jahkeplána lea ráhkaduvvon sámi jahkodagaid mielde. *Mii galgat dihtomielalaččat oahpahit mánáide sániid mat leat gullevačča daid iešguđetge doaimmaide.*

Gáhkkorčoru mánáidgárddi Guhkitáiggeplánas leat mii vuđoleappot čilgen earret eará fágasurggiid mat fáttmásttit viiddis oahppansuorggi ja daidda lea ráhkaduvvon progreshuvdnaplána iešguđet ge ahká.

*“Mánáidgárddi galgá addit mánáide
vuodđooahpu dehálaš ja áigeguovdilis
surggiin(..). ”*
(Mánáidgárdeláhka § 2 Mánáidgárddi sisdoallu

Muđui leat mis maid eará fáttát maiguin bargat mat guoskkahit mánáid oahppamii ja ovdáneapmái. Ovdamearkkat leat dearvvašvuohta/dearvvašlaš biepmut, ivnnit/hámit, matematihkka, luonddufága ja ollu eará.

Bargat maddái dihtomielalaččat mánáid sosiálalaš ovdánemiin birra jagi; nugo mo earáiguin láhttet, olmmošvierru, beavdevierut, eastadit hárdima/givssideami, mu gorut- mii lea dohkálaš, ja mii ii.

Dehálaš liŋkkat:

[Mánáidgárddiid rámmaaplána](#)
www.nullmobbing.no